

NA KEREKE E TLA FALLA

PELE HO MATŠOENYEHO?

 Ha re inamiseng lihlooho tsa rona motsotso feela joale bakeng sa lentsoe la thapelo.

² Molimo o Halalelang ka ho Fetisia o Lokileng, re batla ho U leboha ka mosa oa Hau, hoba o molemo ho rona ho feta bophelo. 'Me re U rapela ho kopana le rona bosiung bona ka mokhoa o ikhethileng, le ho re fa mahlohonolo a Hau. Re ke re bone letsoho le leholo le otlolotsoeng la Mopholosi oa rona ea lerato, ho sebeletsa bakuli le ba mahlomoleng. Le ho otlollela letsoho la kamohelo ho ba khathetseng tseleng ea sebe, bosiung bona. Ho ba memela tlung ea Ntate moo ba lebelletsoeng ho ba teng.

³ Re tla U kopa ho hopola ba khelohileng tsela e patisaneng, e tsesane, le bona ba khutlele kopanong ea Ntate hape.

⁴ 'Me re a rapela, bosiung bona, Morena, hore U bule litsebe tsa batho, ho utloa Evangel, le hore U tla bolotsa melomo ea sebui. 'Me re mpe re sebelisetsoe khanya ea Hau. 'Me qetellong ea tšebeletso ena, ha re ea libakeng tse fapaneng tsa rona, re ke re bue joaloka ba tsoang Emmause, "Ana lipelō tsa rōna li ne li sa chese kahare ho rōna, ha A ntse a buisana le rōna tseleng?" Hoba re e kopa ka Lebitso la Mora oa Hau, Morena Jesu. Amen.

⁵ Ke lakatsa ho bala lethoana ho tsoa Mangolong bosiung bona, khaolo ea 17 ea Santa Luka, le ho qala ka—ka temana ea 26.

'Me joalokaha ho bile mehleng ea Nohe, ho tla ba joalo le mehleng ea Mora motho.

Ba ne ba ejá, ba enoa, ba nyala basali, ba nyalisá, ho fihlela letsatsing leo Nohe a keneng arekeng ka lona, 'me meroallo oa tla, oa ba timetsa bohle.

Ho joalo le mehleng ea Lota; ba ne ba ja, ba enoa, ba rekisa, ba rekisa, ba lema, ba haha;

Empa ka lona letsatsi leo Lota a tsoileng Sodoma ka lona... mollo le sebabole tsa na leholimong, tsa ba timetsa kaofela.

Ho tla ba joalo ka tsatsi leo Mora motho a tla senoloa ka lona.

⁶ 'Me bakeng sa temana, ke lakatsa ho nka ho Genese, khaolong ea 19 le—le temana ea 22.

Phakisa, u tle koano; hobane nke ke ka etsa letho u eso ho fihle teng.

⁷ Hoseng hona, ke ne ke bua ka likahlolo tse tlang, 'me bosiung bona ke lakatsa ho tsoelapele. Re ka utloa moea o chesang oa kahlolo e atamelang ea Molimo o Matlaohle. Ha re qala re utloa lintho tsena, eka khona re shebe moo re phelang teng, le hora eo re fetang ho eona.

⁸ 'Me nakoana e fetileng, e bile monyetla ho 'na ho etela India. 'Me pele feels ke fihla India, ba fumana t̄sisinyeho e kholo ea lefatše. 'Me ke ne ke bala likoranteng India, kamoo matsatsi a ka bang mabeli pele t̄sisinyeho ea lefatše e fihla, ba bonahetse ba tseba hore phoso e ne e le teng, linonyana tsohle tse ahileng mapatsong a mehaho e meholo, 'me li lula haufi le marako a maholo a majoe. Boholo ba India bo na le marako a majoe. 'Me linonyana tsohle tse nyenyane tse neng li entse lihlaha tsa tsona mapatsong ao, tsa tloha marakong. Le mehlape eohle e neng e atisa ho ema pel'a meaho e meholo, motšehare oa mantsiboea, moriting, le mabapa le marako a maholo a majoe; matsatsi a ka bang mabeli pele ho t̄sisinyeho ea lefatše, liphoofolo tsena tsohle le linonyana tse nyenyane tsa tsoela naheng ho ea ema.

⁹ Le a bona, ntho e 'ngoe e ne e le teng ka eona, Molimo o ne o hlokometse linonyana tsa Hae le liphoofolo tsa Hae. Le a tseba, 'ona Molimo o li laoletseng arekeng, mehleng ea pele, mohla ba neng ba timetsoa ka metsi, therong ea Nohe, 'ona Molimo oo o sa phela le ho busa le kajeno, 'me O na le taolo ea Oona holim'a libopua tsa Oona.

¹⁰ 'Me ke ne ke nahana, "Efela ha Molimo o tsoteletse linonyana tsa Oona, le mehlape ea Oona, le linku, ho li faposa timelo pele e otla, hakakang o tsotella bana ba Hae ba tsoetsoeng ke Moea oa Hae, ba hlatsoitsoeng Maling a Hae. O a ba tsotella." 'Me joaloka ha O lemositse linonyana ho tloha malulong a tsona, ruri ke lumela O ntse a lemosa batho ba Hae, kajeno. Re sa bona lipontšo tse kholo tsa ho Tla ha Hae ho haufi, ke lumela hore Molimo o hlokometisa batho ba Oona ho phutheha 'moho, le pitso e kholo letsatsing lena la ho qetela.

¹¹ Sehloho sa ka bosiung bona ke: *Na Kereke E Tla Falla Pele Ho—Ho Matšoenyeho?*

¹² Joale ho morao ho feta kamoo u nahanang. Ke morao haholo, ebile ke lumela hore nako e morao haholo ho la Amerika. Re qetellong ea tsela. 'Me hoseng hona, ha ke ntse ke rera ka Babilona le maemo a eona, ka hopola ho tla ba molemo haholo bosiung bona, ho tlisa Bibele e itseng, ho bontša kamoo re neng re atametse ho Khutla ha Morena. 'Me re ka bona, rona ka leihlo la rona la nama, hore ntho e mothating oa ho etsahala.

¹³ Ho na le e—e pherekano e kana har'a batho, ho thata feels ho leka ho t̄šoara tsoseletso. Likereke li fapane hakana, 'me li t̄šoarane ka liqoqotho, ka lebaka la marako a mokhatlo. 'Me Bakreste ba t̄šohile hakana, ka chebeho, le ho ferekana. Empa, le a tseba, ho a makatsa, empa Morena oa rona o boletse, "Etlare ha

ntho tseo li qala li hlaha, le lelale holimo,” hore topollo ea rona e ne e atamela.

¹⁴ ’Me ha re bona mohau oa Hae o moholo, joaloka ha o hlahisoa ho rona, re bona matsoho a Hae a mehlolo e meholo le meeka; etsoe, mahlo a rona a tla buleha, metsotsong e ’maloa, ho shebella. ’Me hape e re fa matšeliso ana a tileng ka ho fetisisa, ho tseba hore Molimo oa Bibebe o sa phela le kajeno. ’Me O rata bana ba Hae, ’me O a ba lemosa. ’Me ba nang le kelello ea moea, ba tsoa.

¹⁵ ’Me re a hlokomela, matsatsing ao Jesu a neng a bua ka ’ona, O itse, “Joaloka ha ho bile mehleng ea Nohe, le matsatsing a Lota.”

¹⁶ Joale, mateanong a mang le a mang a nako, Molimo esale a memela mohau pele ho biletsoa kahlolo.

¹⁷ Joale haeba le le boranalane, ’me esale ke thuisa ke bala nalane vekeng ena, liveke tse peli kapa tse tharo tse fetileng, bontate ba Ante-Nicene, ba nalane ea khaleng ea kereke pejana ho Lekhotla la Nicene, ’me eaba ho theoa kereke ea Katolike lilemong tse sekete le makholo a mahlano tsa mengoaha e lefifi. ’Me kea bona lingoloeng tseo tsa Nicene, kapa Lekhotla la Pele ho Nicene, hore ba ne ba fumane se tšoanang le sa rōna kajeno. Oh, kamoo e iphetang kateng!

¹⁸ Le ho bona maemo a kereke, le maemo a batho, le lipontšo tsa mehla, li ngotsoe hohle.

¹⁹ Joale, pele Molimo o etsa letho, mateanong a mang le a mang a nako, o romela mohau kamehla, lengeloi, moporofeta, Molaetsa. ’Me joaloka nako le nako, koana, tsohle lia nyelisoa. Kereke ha e batle ho O amohela.

²⁰ Nohe. O buile ka Nohe mona. ’Me o rerile lilemo tse lekholo le mashome a mabeli. ’Me leha molaetsa oa hae e ne e le mohau, batho ba hlōleha ho ela thuto ea hae hloko. E le ntho e neng e tla ba pholosa, leha ho le joalo ba ne ba sa mamele. ’Me haeba seo e se setšoantšo se setle haholo sa mehla ea kajeno!

²¹ Joale, u ka re ho ’na, “Moena Branham, u ka rialo joang ‘se setle,’ athe u re takela setšoantšo seo u se takang?”

²² Se setle hobane Morena Jesu o tlela Kereke ea Hae haufinyane, ’me ke mohopolo o motle ka ho fetisisa oo sebopuoaa sefe sa Molimo se ka o nahananang; ho tsoa pherekonong ena le ho kena Khanyeng ea Hae e bokoang, moo maqheku a tla ba macha, ’me bakuli ba tla lula ba folile kamehla. Masoabi kapa masisa-pelo ha li sa tla fumanoa. Haeba e se ntho e fetisisang ka botle eo nka e nahananang! ’Me ba lehlohonolo hakakang ba emelang nako eo ea ho phutheha.

²³ Joale re a fumana, joaloka ha Jesu a buile morao koana mehleng ea Nohe. Ha re khutleleng morao, hobane O itse, “Nkang mohlala oa letsatsi leo.”

²⁴ Joale, mohla Kaine le Abele. Hoba Kaine a bolaee Abele, eaba Setha o tlatsa sebaka sa hae. Re fumana Satane a ne a leka ho senya Peo eo e neng e tla tla, eo Molimo o neng o e tsepisitse, ho re, "Peō ea mosali e ne e tla khoba hlooho ea peō ea noha." 'Me Satane o ne a leka ho falatsa Peo eo ea borena, 'me o hopotse a khonne mohla a timelitseng Abele. Empa Molimo oa hlähisa Setha malulong a hae. Setšoantšo se setle haholo sa lefu le tsoho ea Kreste, le ho tla ha Peo ea borena.

²⁵ Joale hoa babatseha ho hlokomela kamoo, ka lehlakoreng la Kaine, ba fetohang barapeli haholo. 'Me e le batho ba kenang kereke; 'me le Kaine e le motho motsamai-kereke. O ne a rapela Morena. A haha aletare. E ne e le setho sa kereke. O ile a lefa melato ea hae. E ne e le, ka mekhoa eohle eo motho a ka mo shalimang, e le molumeli oa sebele.

²⁶ Empa lihlopha tsa batho li tharo feela, tsona, ke balumeli, bomosalumele, le baikaketsi. 'Me lefatše le sa ntse le tletse bona bosiung bona.

²⁷ 'Me Kaine o ne a lekisa tumelo feela. 'Me lelokong la hae ha hlaho seholo sa batho ba tsamaeang kereke, ba tletseng borapeli haholo.

²⁸ Joale, taba ena ha e a tloaeleha ka ho fetisisa, empa na le eleletsoe lehlakoreng la hae ho hlaho morabe oa barutehi, o rupetsoeng? Bibele e hlaosa hoo e hlakile. A re, "Ba ne ba haha, 'me ba etsa lintho tse kholo." Mahlale a tsoile lelokong la Kaine. 'Me mahlale a maholo, le lingaka, le banna ba baholo, ba tsoa lelokong la Kaine.

²⁹ Athé, lehlakore le leng e ne e le e—e le mafutsana, bafumanehi, empa e le batho ba lumelang hoba Molimo oa bona ke oa mannate. Oho, Molimo, mpalle le bona!

³⁰ 'Me pele nako ea bofelo e fihla, ha hlaho pherekano e kholo. 'Me lehlakore le leholo la kereke, ka chebeho, le ne le felile, le kajeno ho joalo, bakeng sa saense.

³¹ 'Me ntho e 'ngoe e kholo: a re, "Ba ne ba haha." Nalaneng ha ho mohla kaho e kileng ea ba eketseha joaloka hona joale. Ke le leng la matšoao a nako ea qetelo. Ha ho mohla re kileng ra ba le nako ea ho haha. 'Me joale, esita le torotsoaneng ea rona mona, ha ke sa fihlela sebaka se lekaneng ho tsoma moutloa. Ke merero ea matlu kaofela; ho haha le ho lema feela. 'Me hola re ka bula mahlo a rona, ke e 'ngoe ea lipontšo tsa Molimo hore bofelo bo atametse.

³² 'Me re ne re rera hoseng hona, ka sputniki le limisale, kamoo ba ka emang Moscow, ba tobisa misaele bohareng ba Fourth Street Louisville, 'me ba sa tlohe le Moscow. 'Me e ka phatlola mohohlo fatše, botebo ba maoto a lekholo le mashome a supileng a metso e mehlano, selikising sa limaele tse lekholo le mashome a mahlano. Sekoti se ka ba bootebo boo. Tse tharo tsa tsona li ka

timetsa lefatše lohle, ho le hlokohla tselaneng ea lona. Mahlale, lea bona hore a oela lehlakoreng lefe? A ka lehlakoreng le khopo.

³³ Molimo o lebeletse bana ba Oona ho O tsepela ntho e 'ngoe le e 'ngoe eo ba e ruileng. Empa re batla ho tšepa letsoho la motho. Nka mpa ka aha litšepo tsa ka ho Kreste, ho ikemela ka ho shoelella holim'a mohau le lereko la Hae, ho feta sehlopha sefe sa batho se rutehileng se ka theang mokhatlo, ho re, "Ena ke tsela." Kreste o itse, "Ke 'Na Tsela, le 'Nete, le Leseli. 'Me ha ho ea ka tlang ho Ntate haese ha a etla ka 'Na."

³⁴ Ka hona, le ka bona, ke letsatsi le leholo la thuto. Ke letsatsi le leholo la likhohlano tsa lefatše. 'Me hantle har'a seo, ba loketse ba be ba ne ba theile lefatše halia mahlale ho re feta joale. Ba hahile dipiramide. Ha re fumane letho le ka ahang piramide, haeba le kile la ema haufi le eona. Nkile ka fihla ho eona, Egepeta, le tseo tse Mexico. 'Me koana, bophahamo ba folete ea motse, ke lipitlahali tsa boima ba litono tse makholo, li hahiloe holimo mono holim'a moaho o moholo oo, oa motonanahali. 'Me e betliloe ka phethahalo ho fihlela ho se sebaka sa lehare; e teiloe ka boqhetseke hona. Oh, letsatsi le le kakang la mahlale! 'Me, hape, e phethahetse e lutse hakana setsing sa lefatše, 'me ho sa tsottelehe moo letsatsi le leng teng, ha ho moriti mathokong a eona. Kea belaela hore re ka ipapisa le eona, kajeno, mahlaleng a rona a sejoale-joale.

³⁵ Empa Jesu a re, "Joaloka ha ho bile letsatsing leo, ho tla ba joalo le ho tleng ha Mora Molimo." Joale, 'me Nohe a rera lilemo tse lekholo le mashome a mabeli, 'me, hlokamelang, a tšehoa.

³⁶ Joale, Jesu le eena o boletse, ho re, "Joaloka ha ho bile mehleng ea Lota, ho ne ho tla ba joalo, mehleng ea Lota, ba ne ba eja, ba enoa, ba nyala, ba nyalisa, ba lema, ba haha, ba rekisa, ba reka."

³⁷ Oh, ha ho eso be le letsatsi, leo, la khoebo e atileng hakana, joalo ka kajeno, litša tsa makoloi a letsoho-la-bobelis le ntho e 'ngoe le e 'ngoe feela. Hakana, ho fihlela, u ka reka sehatsetsi monongoaha, 'me ua se lefella lidolara tse ka bang makholo a mane kapa a mahlano, 'me selemong se tlang ha ho motho ea se batlang. E tsoile setaeleng. Na ha le bone moo lefatše la khoebo le patisitseng nko tsa lona lebiling la ho sila? U ka reka koloi monongoaha, 'me isao e sa tse e le maemong a matle hakaalo ka eo u ka e rekang mohlang oo, empa e tla theoha boleng ka liranta tse sekete hobane ba fetotse sekoahelo sa radiatara kapa ba entse bosaoana ba mofuta. Ke puo ea thekiso feela, ho phethahatsa Bibele.

"Joaloka ha ho bile mehleng ea Nohe, le matsatsing a Lota."

³⁸ Koana, nako le nako, mangeloi a ne a hlaha, baporofeta ba ne ba hlaha, 'me molaetsa oa bona esale e le mohau, lereko, le topollo. Molaetsa oa Molimo esale e le topollo, pejana feela ho nako ea qetelo; e hlahlobe ho haola le Mangolo, kamoo Nohe a

rerileng topollo. 'Me ba ba tseha ba ba soma, le ho soasoa ka bona.

³⁹ 'Me joaloka ha ho bile mehleng eo, ho joalo le kajeno. 'Me ha u tsoa ka Molaetsa, ho re Kreste o tsohile bafung, joaloka ha A tsepisitse hore O tla Iponahatsa. 'Me ba etsa kajeno, ho molaetsa oo, joaloka ha ba entse ho Molaetsa letsatsing le leng.

⁴⁰ Lota a tsoela kantle ho Sodoma, 'me a leka kahohle hore ba ha'bo ba mamele molaetsa oa Mangeloii, empa ba ne ba mo soma ba re o ne a etsa motlae.

⁴¹ Oh, ke setšoantšo se se kakang sa letsatsi lena! Ha u ba tlisetsa Molaetsa oa topollo ea Molimo, ba re, "U soma bolumeli. U leka ho etsisa se seng." Sehlopha se tšoanang! Re phela horeng e kakang! "Be, ba nahana hore ke bona feela ba tlang ho boiskeha. Ba nahana hore ke bona feela ba bolelang Evangel."

⁴² Jesu o itse, "Mehlolo e tla tsamaea le ba lumelang ke eona ena." Ha se Lentsoe la ka. Ke Lentsoe la Hae.

⁴³ 'Me hlokamelang, ke batla hore le hlokomele, kapele, e ne e le molaetsa oa mofuta ofe. Oh, sena se thabiso pelo ea ka feela. Ha ke nahana ka Sodoma le Gomora, e ne e silafetse haholo, boitšoarong, ho fihlela makhopama a le hohle.

⁴⁴ Empa pejana ho tšenyeho ea ho qetela, e kholo, Molimo oa romela moporofeta tlase mono. 'Me ke ntse ke nahana, hape, O rometse Lengeloi tlase mono, 'me ke batla hore le hlokomele Molaetsa oa Lengeloi. Abrahama, ea neng a khethile tsela ea ba 'maloa ba nyatsehang ba Morena, a lula kantle lefeelleng teng naha e futsanehile.

⁴⁵ 'Me Lota a theoha 'me a fetoha ramotse, 'me e ne e le monna e moholo har'a sebe. Nka mpa ka se tume hakana, le ho loka ho Molimo. Empa Lota o ne a tumme haholo, 'me a lutse literateng, khorong ea motse. E ne e le moahloli oa se ka kenang le se ke keng sa kena. 'Me a le mono, a nehela bophelo ba hae bohololeng bo bongata, a ntse a tseba hoba lintho tse joalo li tsoeletse motseng oa ha'bo.

⁴⁶ Haeba e se setšoantšo sa kajeno seo, sechabeng sa rona; mananeo a sa sefshoang, booatla ba mefuta eohle, lonya, maqheka! Oh, ba ne ba ka e qhaqha, ha ba batla, empa ha ba batle. 'Me ba ke ke ba e etsa, hoba Molimo o itse e tla ba ka tsela ena. Hoja feela ba ka bula mahlo a bona 'me ba utloisia!

⁴⁷ 'Me, hlokamelang, pejana hora e kholo ea tsitsipano e fihla. Abrahama le Sara, ba lutseng tlas'a sefate sa eike, tsatsi le leng ha ba le kantle mono, Sara a bona Banna ba bang ba etla. 'Me a tloseletsa a toba tenteng.

⁴⁸ Ke phapang e kakang, nqa basali ba letsatsi lena, le kamoo ho ka beng ho fapane Sodoma. Haele nako ea hore banna ba khutlele hae, bohle ba apara liaparo tsa bona tse khutšoane, 'me ba tsoe ba il'o hela joang. Ke phapang e kaakang!

⁴⁹ Empa Sara a ea tenteng. 'Me ha a etsa joalo, Banna bana ba nyoloha. 'Me Abrahama a Ba sheba. Ba ne ba shebahala e le Banna ba sa tloaelehang. 'Me E mong oa Bona eka Sebui, 'me eare ha A lula fatše a qala a bua le Abrahama . . .

⁵⁰ Abrahama a re, "Lula mona, 'me ke tla kha metsinyana, 'me ke tla hlatsoa maoto a Hau. 'Me ke tla luba bohojana. 'Me re tla itokisa, 'me U ka ja leqa la nama. 'Me U nt oo tsoelapele."

⁵¹ 'Me a titimela kantle mohlapeng, 'me a tšoara namane e nontšitsoeng, 'me a e hlabo. A bolella Sara ho luba bohojana 'me a etse linkhoa.

⁵² 'Me a bua le Monna. Ke lumela hore, ka mokhoa o itseng kapa oane, Abrahama o tsebile hore eo e ne e le Mang. 'Me Monna eo neng e le sebui, o ne a nehile tente mokokotlo oa Hae. E ne e le Lengosa la letsatsi leo. 'Me A re, "Abrahama, Ke tla u etela ho ea ka tsepiso, lilemo tse mashome a mabeli a metso e mehlano pele ho moo. Ke u tsepisitse, 'me Ke tla e tiisetsa."

⁵³ Oh, ho bokoe Lebitso la Morena! Molimo o entse tsepiso, "Matsatsing a ho qetela, O tla tšollela Moea oa Hae holim' a nama eohle," 'me O tla e tiisetsa. Jesu o ile a etsa tsepiso, 'me a re, "Lintho tseo Ke li etsang le tla li etsa le lona," 'me O tla e tiisetsa, hoba O na le toka.

⁵⁴ 'Me Abrahama a Mo talima. 'Me A re, "Ka nako e kang ena khoeli e tlang, ka nako ea bophelo," mono e le malebana le Sara, "Ke tla u etela, 'me Sara o tla tlisa lesea leo Ke le tsepisitseng." Joale, Abrahama o ne a le lilemo tse lekholo, 'me Sara a le mashome a robong.

⁵⁵ 'Me Sara, ka morao ho Lengeloi, ka hare ho tente, a etsa . . . a tšehe.

⁵⁶ 'Me Lengeloi, le furaletseng ka mokokotlo oa Lona, la re, "Ke hobane'ng Sara a tšehe?" E ne e le Moromuoao eo. Oh, na le a tseba hore ke bua ka eng? E ne e le malepa afe a ho bala kelello, ho neha tente mokokotlo oa Hae, 'me tšali a le ka hare? 'Me tšali a bososela. 'Me A re, "Hobane'ng ha a ile a tšehe?" O ne a e tseba. 'Me oo ebile Molaetsa oa ho qetela pele Sodoma le Gomora li chesoa. Moena, haeba u E utloa, bosius bona, joale ke Molaetsa oa ho qetela pele lefatše lena le cha. Le bona semelo sa Lengeloi? Lengeloi leo e ne e le mang? E ne e le Molimo.

⁵⁷ Hopolang, Abrahama o 'Mitsitse, "Morena." 'Me phetolelo mono ke "Elohim, Jehova e moholo, ea matla." E ne e le Jesu Kreste ea khutletseng nameng hape.

⁵⁸ E mong o itse, "Na u re e ne e le . . . ? Ebe O fumane 'mele oo joang?"

⁵⁹ Khele, O bitsitse Mangeloi ao a mabeli feela. Le ho bululela bohashana ba phefumolo, ka mokhoa oo, 'me liatomo le k'halsiamo le potashe tsa kopana 'moho, 'me Gabariele a kena

ho o mong, le Lengeloi le leng ho o mong. 'Me A ntoo iketsetsa o mong.

⁶⁰ Ho bokoe Lebitso la Hae le halalelang! Ke thabile haholo, bosiung bona, ho tseba hoba 'ona Molimo o Matlaohle, o neng O ka Iketsetsa 'mele ho phela ka ho 'ona, tšepo ea ka e ho Oona, hore ka tsatsi le leng O tla tsosa ona, joaloka ha A tšepeisitse ho etsa.

⁶¹ 'Me O har'a rona, ho etsa eona ntho eo A e entseng mono. Oh, ho bokoe Lebitso la Hae le tlottlehang; ho re lemosa, ho bua le rona, ho re bolella hore re itokise. Ehlide, O itse, "Ho se ho se hokae 'me lefatše ha le sa tla Mpona. Leha ho le joalo, lona le tla Mpona, hoba Ke tla ba le lona, le ka ho lona, ho isa bofelong ba lefatše." Ke hora e kakang eo re phelang ho eona!

⁶² Hlokamelang, Lengeloi le tlisiseng mollo, e ne e le Lona Le entseng mohlolo oo. 'Me bohle re a tseba hore lefatše le tla timetsoa, khetlo le latelang, ka mollo. 'Me Lengeloi le neng le rometsoe Sodoma le Gomora... Shebang seo Jesu a se buileng. Oh, ho thabisa moea oa ka feela ho finyella seo. "Joaloka ha ho bile mehleng ea Nohe, ho tla ba joalo le ho tleng ha Mora motho." Lengeloi leo le ile la etsa'ng? O ne a e-na le moea oa temoho. 'Me A re, "Joaloka mohlang oo, ho tla ba joalo mohla Mora motho a senoloang ho tsoa Leholidong." Lea bona? Nahanang feela, hore, mahareng a rona joale ho eme Lengeloi leo la Molimo, ha se e mong haese Morena Jesu Kreste, ka sebopheho sa Moea o Halalelang. E har'a rona, "Letsatsing leo." 'Me È ne e le Molimo, 'me oo e ne e le Molaetsa oa Hae pele tšenyeaho e fihla.

⁶³ Joale re tla hlokemela hore e ne e le Molaetsa oa topollo. A theoha 'me a leka ho lopolla batho, 'me ba hana ho Mo utloa.

⁶⁴ 'Me, kajeno, ke ntho e tšoanang sechabeng sa rona, har'a batho ba rona. Ke bile le monyetla oa ho bona Morena oa rona Jesu, likopanong, a etsa mehlolo le meeka le lintho tse kholo. 'Me batho hantle-ntle ba tla ema kalaneng 'me ba tsebe, ntle le seriti sa pelaelo, hore ho-hore Molimo o moholo, o sa shoeng, Molimo mohloka-pheleteo o teng 'me o etsa mohlolo o tšoanang; 'me ba eme mono 'me ba hlafuna chepisi, 'me ba ikela ba tloha kalaneng, ba sa tsotelle. Ha ba natse.

⁶⁵ Ho 'na, ekare, holane motho e ne e batla e le motho oa moea oa mofuta, kapa Moea oa Molimo o le ka ho eena, 'me eitse ha a bona Morena Jesu A etsa feela seo a boletseng A tla se etsa, ho ne ho tla nyakallisa pelo ea hae tjena, hoo a ka sitoang ho ikhutsetsa. O ne a tla chesetsa sechaba ka Molaetsa. "Joaloka ha ho bile mehleng eo," A re, "ho tla ba joalo."

⁶⁶ Molaetsa oo o ile oa tsoa, 'me ba o tšeja feela ba o soma, eka hojane motho a ne a pheta pale ea mofuta. Empa e ne e le ea mohau, 'me e ne e le ea lereko, 'me e ne e le ea topollo. Oh, khili!

⁶⁷ 'Me Lengeloi la bolela, hoseng hoo, ho Lota, hoba Le hlahise molaetsa; La re, "Phakisa, tloo koano, hobane ha Ke khone ho

etsa letho u eso ho fihle mona.” Ke batla u elelloe taba ena joale, hoba re loketse ho khaola ha khutšoane mona, ka lebaka la mola oa thapelo. Na u hlokometse seo Lengeloi le se boletseng? “Ha Ke khone ho etsa letho u eso ho fihle mona.” E ne e le eng? E ne e le molaetsa oa topollo. ’Me pele bohashana bo le bong ba mollo bo theoha Leholimong, Lota o ne a loketse ho tsoa Sodoma.

⁶⁸ ’Me pele lerotholi le le leng la pula le theoha Leholimong, Nohe a kena ka arekeng.

⁶⁹ ’Me pele bomo ea athomo e ka otla sechaba sena, Kereke e tla kena Hloibilong, ho kopana le Morena Jesu. ’Me haeba ho hlomiloe li-sputniki le limisaele, ’me lihamore li chehiloe, Mangeloi a eme hohle ka taolo. Alleluia! Liphaseje tse kholo tsa Leholimo li hatellane. Liharepa kaofela lia lumellana. Lihlopha tse kholo tsa ’mino li se li itlhakisitse. Nako ea ho Khutlela hae e atametse haholo, bakeng sa Kereke ea Molimo o phelang, esale e emetse ho Tla ha Hae. Tsohle li lokile. Ke thabile haholo. Ke khathala haholo. Oh, hora eo e kholo!

⁷⁰ ’Me ho nahana, hore, re bile le seabo nakong ena ea mateano! Hopolang, “Ho tla ba joalo le ho tleng ha Mora motho, mohla Mora motho a senoloang ho tsoa Leholimong.”

Joale, hopolang, pele pula e na, Nohe o ne a le ka arekeng.

⁷¹ Pele mollo o theo, Lota o ne a tsoile Sodoma. Hobane, Lengeloi le itse, “Ha ke khone ho etsa letho ho fihlela u tla mona. Ke tšoere lere letsohong la ka, ho hula le ho nesa mello e theohang Leholimong.”

⁷² ’Me ke nahana hore ho joalo. Lengeloi le timetsang le thibetse letsoho la Rashia, ka libomo tsa athomo; ho fihlela Kereke e kopana, ’me e le ’Mele o le mong o moholo oa Kreste. “Ha ke khone ho etsa letho u eso fihle mona.” Oh, haeba eo e se tiisetso e e bokoang!

⁷³ ’Me ha re bona ntho e ’ngoe le e ’ngoe e lutse ka taolo, ho falla ha Kereke ho ea Hae ho se ho laotsoe. Lengeloi la Molimo ke lena ka Molaetsa o tšoanang, le etsa mehlolo e tšoanang, meeka e tšoanang, ntho e ’ngoe le e ’ngoe e hlophiloe. Branham Tabernacle, lilemong tse mashome a mabeli a metso e mehlano tse fetileng, mohlomong, ke buile holim’ a sefala sona sena ’me ka le bolella hoba lintho tsena li tla etsahala, le leng la matsatsi ana. Ke ena! Re nakong ea bofelo. Mateano a fihlile mona. Naho ea ho ea Lapeng e se e le haufi bakeng sa Kereke.

⁷⁴ Basomi, ba etsa metlae, ba soma, ba saoha, joaloka ha ba entse ho Khosi Nebukadnesare le Beltsatsare. O entse joalo le mehleng ea Nohe. Ho bile joalo le mehleng ea Lota. ’Me ba ntse ba etsa se tšoanang le kajeno.

“Nke ke ka etsa letho u eso ho fihle koano.”

⁷⁵ Ke batla hore le hlokomele, Lota o tsoile nthong e ka beng e mo timelitse, ’me Nohe a kena nthong e neng e tla mo

pholosa. 'Me eo ke papiso ea Kereke. Re tsoa lefatšeng, le hole le mongoaha ona oa Elvis Presley le Arthur Godfrey oo re phelang ho 'ona. Tsoa lefatšeng le ho kena ka ho Kreste! Tsoa lefatšeng. "Ke ba lefatše, ba tla timela le lefatše." Ba leng ho Kreste ba tla ea Lapeng le Kreste. "Hoba ba robetseng ho Kreste Molimo o tla ba hlahisa le Eena mohla A tlang." Re tsoile lefatšeng, ho kena ho Kreste bakeng sa polokeho. Oh!

⁷⁶ "Empa nke ke ka etsa letho u eso ho fihle mona." Ke rata seo. "Potlaka! Baleha!" Molaetsa o ne o potlakile. "Potlaka! Potlaka! Baleha!"

⁷⁷ Ho bokoe Lebitso la Morena! Jesu o tšepeisitse hoba Evangel ena e tla boleloa. Esale e tsoeletse lilemo le lilemo. 'Me ke ena nakong ea qetelo, pontšo e kholo ea ho qetela. Nakoana pele Mangeloi a hlaba mokhosi, "Potlaka," A reteleha 'me a re, "Hobane'ng Sara a tšebole?" Lengeloi le senyang, Le itse, "Ke utloetse ka libe tsa bona, 'me ke theohile ho bona haeba e le 'nete kapa che." 'Me A fumana hoba e ne e le 'nete. 'Me molaetsa e ne e le mohau, le lereko, le topollo. Empa, "Potlaka! Potlaka!"

⁷⁸ Oh, Iona bana, le se ke la kobotela le ntse le ipotsa. Potlakang! Potlakang! Kapele! Nako e atametse. Mathela (hokae?) kantle joaloka ha linonyana tse nyenyane li entse, tloha marakong ana a maholo a seojaole-joale a Babilona, liphutheho tsena tse kholo tsa khale tse reng, "Ha ho phapang ea mehla." Likereke tsena tse kholo tsa khale tse sa lumeleng tse reng, "Ha ho ntho e kang pholiso ea Khalalelo. Ha ho mehlolo." Suthela hole le marako ao, hobane a tla heleha. A helehela tšenyehong le ho hloloa, hoba Molimo oa ka o itsalo.

⁷⁹ Mathela kantle setsing sa Kalvari koana! Haeba linonyana li ile lifateng, le uena u ee sefateng, hape, sefateng seo Kreste A thakhisisoeng ho sona. Teng u leketle setsing sa mohau oa Hae, le ho lla ho Molimo ho fihlela sefefe se fetile.

⁸⁰ Potlaka! Baleha! "Tloo koano, hobane nke ke ka etsa letho u eso ho tsoe." O u emetse. Tloha linthong tsena tsa khale tsa seojaole-joale. Suthela hole le thelebishene eo ha literama tseo tsa mofuta li hlaha. Fumana... Tima seea-le-moea seo ha rock-and-roll ena e qala. Its'oare joalo ka mofumahali. Apara joalo ka mofumahali. Its'oare joalo ka monna. Apara joalo ka monna. Bua joalo ka Mokreste. Phela joalo ka Mokreste. Chesa marogo kaofela. Potlaka! Tsoa! Ts'enyeaho e haufi. Molimo o a kula 'me o khathetse.

⁸¹ Oh, nako e fetile ho feta kamoo u nahanang. Hora e atametse. Mohau oa Lengeloi, Lengeloi la mohau Le rometseng Molaetsa oa Hae, le teng mona bosiusng bona. Le a e lumela na? Na Kereke e lokela ho falla pele ho nako ea Matšoenyeho?

⁸² Shebang, Israele e ne e kene Goshene, 'me Egepetea ea kena lefifing. Egepetea e kene Goshene, ea isoa lefatšeng la pallo. Egepetea ea kena lefifing, 'me ea epeloa Leoatleng le Shoeleng.

⁸³ Potlaka! Potlaka! Baleha! Oo e ka ba monyetla oa hau oa ho qetela. 'Me hopola, re bona limisale li hlomiloe. Rea ba utloa, re e sheba pampiring. Lefatše lohle le a thothomela. Ntho e 'ngoe le e 'ngoe eo Molimo a e boletseng e a phethahala.

⁸⁴ Ebe ho ka thoe'ng ka eona? "Ka letsatsi leo Mora motho a tla Itšenola ho tsoa Leholimong." Mora motho ke'ng, ea senotsoeng? Jesu Kreste eena maobane, kajeno, le kamehla. Shebang temana ea 21, kapa temana ea 30, ke eona.

*Ho tla ba joalo matsatsing ao Mora motho a tla senoloa
ho tsoa leholimong.*

⁸⁵ Ke eng? Melaetsa ena e . . . Ntho ena ha eso etsahale haesale Jesu a le lefatšeng. 'Me ke ena, qetellong ea mongoaha oa Balichaba. Ha re e shebeng nakoana feela, 'me re nahane ka thata.

⁸⁶ Mohla Jesu a ne a le lefatšeng mona, ha A ipolela e le mofolisi. O itse, "Ha se 'Na ea etsang mesebetsi; ke Ntate oa Ka. Empa Ke etsa feela seo Ntate a mpontšang ho se etsa." Santa Johanne 5:19, O itse, "Ka 'nete, 'nete Ke re ho lona, Mora O sitoa ho etsa letho ka Seqo, haese seo A bonang Ntate a se etsa."

⁸⁷ Ha le ka hlokomela Filipi, mohla a neng a sokoloha la ho qala. Che . . . O qalile tšebeletso ea Hae, Morena Jesu, ha etsahala'ng?

⁸⁸ A re boneng kamoo Mora motho a tla Itšenola kateng. Haeba E sa le eena maobane, kajeno, le kamehla, O tla lokela ho Itšenola joaloka ha A entse maobane. Haeba A senola ka ho tšoana, O tla lokela ho senola Molaetsa 'ona oo. Ka khutso, le sheba.

⁸⁹ Eitseha Petrose a tla ho Eena ka mor'a tšebeletso ea Hae, Santa Johanne 1. Petrose o ile a Mo atamela. O ne a sa bitsoe Petrose mohlang oo; o ne a bitsoa ka lebitso le leng. 'Me eitseha a Mo atamela, A re, "U Simone, 'me ntata'o ke Jonase."

Motšoasi eo oa khale a nahana, "Ebe O ntsebile joang?"

⁹⁰ 'Me ea e-ba Filipi, ea tsoang Bethesda, le eena, o potoloha thaba, 'me o fumana motsoalle, Nathanaele, tlas'a sefate, a rapela. A re, "Tloo, bone eo re mo fumaneng: Jesu oa Nasaretha, mora Josefa."

Shebang joale kamoo A Itšenotseng kateng.

⁹¹ 'Me a re, "Joale na ntho e molemo e ka tsoa Nazaretha?"

⁹² A re, "Tloo u bone." Eo ke karabo e fetisisang eo monna ofe a ka e fang e mong. U se ke ua e nyatsa. Tloo, u iponele. Oh, hola feela re ka ba le botšepehi bo bokaalo, kajeno.

⁹³ 'Me tseleng ea hae ho potolohang, a qala a mo laea. Khele, o itse, "Petrose, maobane, monna . . . Kefase, na u tseba motšoasi oa lihlapi oa khale?"

"Ee."

⁹⁴ “A tsamaea a kena ka pel’ a Monna enoa, ’me A ’molella hore e ne e le mang le hore ntatae e ne e le mang.”

“Ah,” ho boletse Nathanaele, “Ha ke tsebe mabapi le seo.”

⁹⁵ ’Me eitse ha a nyolohela ho Jesu, a kena moleng moo A neng a rapella bakuli, Jesu a mo hlaba ka mahlo, ’me A re, “Bonang, Moiseraele eo ho seng mano ho eena.”

⁹⁶ O tsebile joang hore ke Moiseraele? Bagerike le bohle, ba ne ba apere ka ho tšoana, ba itšoanelia. O tsebile joang hore ke Moiseraele? E ne e le Molimo o bonahalitsoeng nameng. O entseng? A talima ’me A ’mona.

A re, “U ntsebella kae, Rabbi?”

⁹⁷ A re, “Le pele Filipi a u bitsa, u sa le tlas’ a sefate, Ke u bone.”

⁹⁸ A re, “Seo se a e batalatsa. U Mora oa Molimo. U Khosi ea Iseraele.”

⁹⁹ Jesu o itse, “Kahobane Ke u boleletse taba ena, na u a lumela?” A re, “Joale u ka bona lintho tse kholo ho feta tsena.”

¹⁰⁰ Empa setho se sa lumeleng sa kereke sa ema ka mathoko. Oh, ka hlompho le ho tiea kamoo ba ka bang khonang. Ruri. Ba ne ba eme mono ka lithuto tse kholo, maiphihlelo a maholo a seminari ea thutamolimo. Ba re, “Monna enoa ke senohe. Ke Belsebule.”

¹⁰¹ Jesu o itse, “Le ka rialo ho ’Na, Ke tla le tšoarela. Empa mohla Moea o Halalelang a tlileng ’me a etsa ntho e tšoanang, lentsoe le le leng khahlano le Oona le ke ke la tšoareloa, lefatšeng lena, leha e le lefatšeng le tlang ho tla.”

¹⁰² Mono keha ho le mosali e monyenyanee oa phallo ea mali. ’Me a tla fohla letšoelle ’me a ama seaparo sa Hae, hobane o ne a re ka pelong, “Ha nka ama Monna eo, ke tla fola.” A Mo ama. A baleha a kena har’ a letšoelle, ’me a lula fatše, kapa seo a se entseng.

’Me Jesu a reteleha, a re, “Ke mang ea Nkamileng?”

¹⁰³ Petrose a Mo khalemela. A re, “Bona, letšoelle lohle le a U ama. U ka bolela joalo joang ‘Ke mang ea Nkamileng?’”

¹⁰⁴ A re, “Empa Ke ile ka fokola. Molemo, kapa matla, a tsoile ho ’Na.” ’Me A qamaka, ka mahlo ao, ho fihlela A mo fumana. O e entse joang? Seo ha re se tsebe. Empa esale Eena maobane, kajeno, le kamehla. ’Me a Itšenola ho sechaba sa Bajude ka mokhoa oo.

¹⁰⁵ Ha A fihla ho Basamaria, mosali o ne a le selibeng, mosali ea ratehang oa Mosamaria.

¹⁰⁶ Hopolang, lichaba tsa batho li tharo feela. Ke, Mojuda, Molichaba, le Mosamaria; Batho ba Kama, Sema le Jafeta. ’Me Mosamaria e ne e le halofo ea Mojuda le halofo ea Molichaba. ’Me lea hopola mohla e neng e qala, mohla ba nyalang basali ba bona, le joalo-joalo.

¹⁰⁷ 'Me mosali enoa e mocha a fihla holimo mono, eo re lumelang naheng ea rona e le mosali ea mekhoa e mebe, empa e ne e se eena. Moshemane enoa ea tsoang India a ka u bolella seo. Ena ke Buka ea bochabela, 'me le leka ho e bala ka thuto ea bophirima.

¹⁰⁸ Mohla ke ne ke etetse India, 'me ke theoha e—e sefofane, Bombay, mobishopo oa kereke ea Methodise keha a le teng, le bao bohle, ba eme mono. Ho re, "U se ke oa re bolella hore u moromuo, Mongh. Branham. Re tseba haholo ka Bibele ho feta kamoo lōna ma-Yankees le tla tseba le ka mohla." 'Me hoo ke 'nene. A re, "Re bile le Bibele lilemo tse likete tse peli pele le e-ba sechaba." Ke hantle. Kereke ea Santa Thomase e sa le teng mono, moo Santa Thomase a theohileng a ea rera. "Empa," a re, "re utloisia hoba Molimo o le etetse, ho phelisa Bibele ena hape." A re, "Ke seo re batlang ho se tseba." Ke eona. Lefatše le lapetse bohobe bo phelang.

¹⁰⁹ Mosali eo oa Mosamaria, ha a ntse a eme selibeng, Jesu a re ho eena, "Mosali, Ntlisetse metsi."

¹¹⁰ Be, o itse ba khethollana. Empa A mo tsebisa hoba ho ne ho se phapang. Molimo o entse, ka mali a le mang, batho bohle.

¹¹¹ 'Me A re, "Hola u tsebile Ea buang le uena, u ka be u kopa metsi ho 'Na."

¹¹² 'Me moqoqo oa tsoelapele ho fihlela A hapa moea oa hae. Eaba O fumana bothata ba hae. A re, "Tloha u late monna oa hau le tle koano."

¹¹³ Ha etsahala'ng ha Mojuda a bolelloa seo? Mojuda a re, "U Mora oa Molimo." Ke hantle.

¹¹⁴ Ho etsahetse'ng ka Mosamaria ha a ne a bolelloa seo, a re, "Tloha ea lata monna oa hau le tle koano"?

¹¹⁵ A re, "Monghali, kea lemoha hobane U Moporofeta. Joale, re a tseba Messia, ea bitsoang Kreste, mohla A tlang, O tla re bolella lintho tsena. Empa uena U mang?"

A re, "Ke 'Na ea buang le uena."

¹¹⁶ A mathela motseng, 'me a re, "Tloong, le bone Monna ea mpoleletseng lintho tseo ke li entseng. Na enoa hase Messia?"

¹¹⁷ 'Me ha A eso etse hoo, khetlo le le leng, ho Molitchaba. Hobaneng? O ile a e lesa ho fihlela letsatsing lena. Ke seo A se boletseng mona, "Matsatsing ao Mora motho a tla Itsenola ho tsoa Leholimong." O a Itsenola joale, ho Kereke, bakeng sa mohau. Nako e tlang ha A Itsenola, ke tšenyehong, ho ba latotseng Molaetsa.

¹¹⁸ Molimo a re hauhele . . . rona, re sa rapela nakoana feela. *Ka Mosa Ka Lerato*, Khaitseli Gertie, ka kopo.

¹¹⁹ Kea ipotsa feela, bosius bona, ke le utloela bohloko le sa eme pel'a lebota. 'Me nka utloa litebello tsa lona. Ke a ipotsa feela, oh, ha u ka tšepahala ho uena le ho Molimo, nakoana feela.

¹²⁰ Na le hlile le batla ho potlaka ho tsoa ho see? Monna o teng bosiung bona, ea bitsoang Morena Jesu. O le tšoaretse tekete, 'me sohle seo u lokelang ho se etsa ke ho Mo neha pelo ea hau feela. O tla e hlatsoa Maling a Hae ka Sebele, le ho u hloekisa sebeng sohle le lipelaelong, 'me u tla u isa Leholimong la Hae mohla A tlang.

¹²¹ 'Me e ka fgihla le pele ho hoseng, li-sputnik. Ha ho ntho e le 'ngoe eo mahlale a e buang... Lea e utloa, letsatsi le letsatsi, seea-le-moeeng, ha ba le thelevisheneng, ka nako ha ba hloma mahlale ana lipotso. Ba re, "Ha ho letho le sitisang lefatše lena ho phatloha motsotsa ofe kapa ofe." Ho nka feela seno se mahetla sa Vodka, 'me ba tla hula gere, 'me ke phetho.

¹²² Potlaka! Molaetsa o potlakile. Potlaka! Baleha! Balehela bophelo ba hau! Tsoa ho eona. Tsoang ho Babilona ena ea kajeno. Suthang marakong. Na ha u utloe le ntho e hulang pelong ea hau? Haeba u le motho oa moea kannete, 'me Molimo a bua le uena! Ruri, haeba A ka bua le linonyana tseo, A ka bua le uena.

¹²³ U ka phahamisetsa letsoho la hau ho Eena? Ha re na sebaka sa ho emisa batho aletareng. Empa ha u ka phahamisa letsoho la hau feela, le ho re, "Molimo, nkauhele." Molimo a u hlohonolofatse, moena. Molimo a u hlohonolofatse. Oh, khili! Hohle ka mohahong. Ha ke tsebe matsoho a makae. "Nkauhele, Molimo. Lena ke letsoho la ka. Ke batla ho phonyoha, Morena. Pele ho meso, nka utloa mokhosi, ka sheba kantle 'me meokoli e tla be e ralla marung, Mora motho o tla be a tla."

¹²⁴ Ke letsatsi le lebe hakakang, haele moo u fositse monyetla oa hau. U ile oa lika-likha hantle haufi le kereke ea hau, na ha ho joalo? "Oh," u itse, "mama e ne e le setho sa sena." Ho lokile, moena. Ho lokile, khaitseli. Empa poloko ea 'mè e ke ke ea u kenya kahare. 'Mè o phetse letsatsing le le leng, 'me u phela ho le leng.

¹²⁵ Utloang Molaetsa oa Morena, 'me le utloe temoso ea Moea. E ne e le Moea oa mofuta ofe, Eo ea lemohileng kamoo Sara a neng a tšeja kahare ho tente? Lengeloj la Morena.

¹²⁶ Joale ka lihlooho tsa lona tse inamisitsoeng, ke batla ho rapella e mong le e mong oa lona.

¹²⁷ U entse'ng ha u ne u phahamisa matsoho? U re, "Na hoo ho ne ho bolela letho, Moena Branham?" Ehlide bo. Haeba u ne u hlile tiile ka seo, e ne e bolela phapang lipakeng tsa lefu le Bophelo. Molaetsa o potlakile. Na u ke ke ua phahamisa letsoho la hau hona joale? "Nkauhele, Molimo, 'na."

¹²⁸ Molimo a hlohonolofatse ngoananyana eo. Molimo a hlohonolofatse mofumahali eo. Molimo a u hlohonolofatse; uena, ngoana; uena, uena, mohlankana. Bana ba banyenyane hohle lialetareng tsena ba phahamisitse matsoho a bona a manyenyane. Be, hlohonolofatsa lipeloana tsa bona!

U re, "Ha ba tiea ka seo." Oh, e, ba joalo.

¹²⁹ Jesu o itse, "Lesang bana ba tle ho 'Na, le se ke la ba thibela, hobane 'muso oa Molimo ke oa ba joalo ka bona." Ba ka tšoha ba sa phelele ho hola le ka mohla. Empa, ba tla ba ba joalo. Ba ke ke ba... Ba tla phonyoha, mohlomong, lintho tsohle tse kholo tseo re tlamehang ho feta ho tsona.

¹³⁰ "Molimo, eba le mohau!" Ha u phahamisa matsoho a hau, e bontša hore ntho e itseng e entse qeto ka ho uena. 'Mele oa hau o ka be o shoele hola ho se letho ka ho uena, le itseng, "Phahamisa matsoho a hau." E ne e le Moea oo. Ebe o phahamisa letsoho la hau. Molimo o e bone. Moea o entse hore u phahamise letsoho la hau.

¹³¹ Molimo a le hlohonolofatse, le bana bohole ba banyenyane morao mono. Bana bao ba banyenyane, ba mammala, le bona, nqa eo mono, Molimo a hlohonolofatse lipelo tsa lona tse nyenyane, moratuoa. Molimo o a u rata. Ehlide.

¹³² Re tla tsoa mona, ka le leng la matsatsi ana. Ha ke tsebe e ba neng, empa e—e a tla. Potlakang, kapele, kenang 'musong! U re, "Che, ke utloile seo pele." U ka e utloa khetlo la hau la ho qetela, le uena. Ena e ke e be nako.

Molimo a u hlohonolofatse morao mono, mofumahatsana.

¹³³ Suthela hole le linyee tsena tsa khale tsa seojaolejoale, marako ana a khale. A tla helehela fatše kaofela. Rock-and-roll ena eohle le linyee tsena tsohle li tla timela le lefatše. U se ke ua kenyelletsoa lefatšeng. U tsoe moo. Molimo o tlela Kereke ea Hae. O u khethile, lebaka leo A buang le uena. Molaetsa o potlakile. Tloo kapel!

¹³⁴ Joale, re sa rapela, eba le 'nete joale 'me u kope Molimo ho u hauhela.

¹³⁵ Morena ea bokoang, ho ka ba le batho mona ba eso bone tšebetso ea matla a Molimo pele, empa tlase pelong tsa bona ntho e buile, "Phahamisa letsoho la hau. Ke 'Na." Me ba bona hore ho na le pitso e potlakileng. Bona, ba bohlale ho lekana ho qamaka le ho bona hoba ntho e mothating oa ho etsahala.

¹³⁶ Bana ba banyenyane, bongata ba bona ba phahamisa matsoho a bona. Molimo, o ba hauhele. Bongata ba maqheku le ba lilemo tse mahareng, ba phahamisitse matsoho a bona. Bacha ba phahamisitse matsoho. Ba batla mohau, Molimo. 'Me ke thabela ho tseba hoba tšenolo ea pele ea Kreste ke mohau; tšenolo ea bobeli ke kahlolo. Oho Molimo, ke U leboha ka bana ba nkileng mohau bosiusing bona, tsela ea mohau. "Ho lehlohonolo ba mohau, hobane ba tla hauheloa. Ho lehlohonolo ba lapelang ho loka le ba nyoretsoeng hona; ba tla khorisoa."

¹³⁷ Khantša mabone a bona, bosiusing bona, Morena. E ke e be likandelare tse behiloeng leralleng, tse ke keng tsa patoa, empa ho chabisia leseli ho likolo le libaka tseo ba tla hokeloa ho tsona,

ho tloha ka morao ho mona. Aba sena, Morena. E ke e be maseli a tla khantša khanya ea Molimo. Ba hlohonolofatse.

¹³⁸ 'Me ka letsatsi le leng, lefatšeng le molemo, Morena, re ke re kopane bohle tafoleng e kholo eo ea Molimo, Selallong seo sa Lenyalo. Baballa Moea oa Hau holim'a rona, Morena. Hlohonolofatsa ba emeng pel'a mabota, le kantle mathuleng le ka mathoko, ba phahamisitseng matsoho a bona, le joalo-joalo. Eba le bona, Morena. Esale baeme, 'me ba honyela litho, bosiung bona. Empa, e-ba le mohau. Aba lintho tsena.

¹³⁹ Ke litholoana tsa Molaetsa ona o potlakileng bosiung bona. Ke rapela mangeloi a Molimo ho o netefatsa hakaale lipelong tsa bona, ba se—ba se fose letho la Ona. 'Me ke litholoana, 'me ke li hlahisa ho Uena. 'Me U li nehe Jesu, hobane ke lineo tsa Hau tsa lerato ho Eena. "Ha ho motho ea ka li utlang letsohong, hoba ha ho ea fetisang Molimo ka boholo." 'Me ke rapela hore U tla ba baballa ka polokeho ho fihlela Jesu a ba tlela.

¹⁴⁰ A ba bang ba phakise, Morena, 'me ba potlake, hoba Molaetsa o potlakile. Re tlameha ho tsoa kapele pele tšenyeho e fihla. 'Me joale, Morena Molimo, ke rapela hore O romele Lengeloi la Hau, Lona le lutseng le Abrahama. Aba sena, Morena. 'Me a khona ho bolela seo Sara a neng a se etsa, morao ka tenteng. 'Me leo e ne e le Lengeloi la Selekane. E ne e le Lengeloi le ileng la tlisa mohau pele mollo o theoha. Nako efe, mollo o ka theoha joale, liathomo tse ka pshatlang lefatše lohle likoto tse peli. A ke a tle bosiung bona 'me a re fe mohau, Morena, hoba re e kopa ka Lebitso la Jesu. Amen.

¹⁴¹ Oh, ntho e teng ka Evangelie ea khale e bokoang, E bonahala e hohla. Ke a E rata.

¹⁴² Ha re bineng seo hang, "Jesu bitsa ka mosa le bonolo." E mong le e mong, ha re phahamiseng matsoho a rona ho Eena feela. Na le tla e etsa?

Jesu o ntse a bitsa ka lerato,
O bitsa 'na le uena,
Leha re sitiloe, O lereko o tšoarelo,
Tšoarelo ho 'na le ho uena.

Tloong hae, tloong hae, (Ikoalle feela le Kreste
joale.)
Lona ba khathetseng, tloong hae;
Ka pheello, ka mosa, Jesu oa bitsa,
O bitsa, uena moetsalibe, tloong hae!

¹⁴³ [Sekheo lebanteng—Mohl.]...ha ke eso be ho e 'ngoe ea litšebeletso tsa rona tsa pholiso pele, ha re boneng matsoho a lona. Ha ke eso kene litšebeletsong? Ke hantle. Ke thabetse ho ba le uena mona.

¹⁴⁴ Joale, ha ke ipolele ke le mofolisi. Ke bolela hore Jesu ha a shoa, empa O a phela. Ha ke mofolisi. Ha ho bafolisi. Kreste o se a u folisitse. "Le folisitsoe ka maqeba a Hae."

¹⁴⁵ Empa ke batla ho le botsa taba e itseng lona ba tlang bocha. Joale, mohlomong le kena kereke. Bongata ba lona ba phahamisitse letsoho la lona nakong eo, le phahamisitse letsoho la lona bakeng sa thapelo, nakoana e fetileng. Haeba u se na kereke ea boikhethelo, rea u amohela ho Branham Tabernacle mona, mono ha Moena oa rona ea ratehang Orman Neville, monna oa borapeli ea sa ruteng letho haese 'nete, e tsoang Bibeleng. U amohetsoe bolekaneng ba rona. Re feela....Ha se phutheho ea bolumeli. Re mpa re le kereke mona, bolekane. Re Methodise, Baptise, Presbeteriene, Pentekosta, Maluthere, re bohle. Re Bakreste ba le ratang. 'Me re rapela hore u tla iphumana....Haeba u sa khone ho tla mona, ho iphumanela lehae le letle la kereke, kae-kae, moo ba hlileng ba rera Evangelii, le hore u tle u feptjoe ke Moea oa Molimo.

¹⁴⁶ Hohle, ka mohahong, bosiung bona....Haeba Morena Jesu a tsöhile bafung, 'me ke le boleletse 'Nete, ebe moo Molimo o tlamehileng Lentsoeng la Hae, ho le etsahatsa joalo. Le a bona?

¹⁴⁷ Oh, le se ke la tšaba ho Le tšepa. Ke hore Bibele, Ke 'Nete, kapa ha Se 'Nete. Haeba E se 'Nete, Ke mothetsi e moholo ea kileng a ngoloa, hoba E thetsitse limilione. Nkile ka ema, hangata, ka Koran letsohong le leng le Bibele ka ho le leng, ka pel'a ba boMohammedane, le ho re, "E 'ngoe e nepile e 'ngoe e fositse. A Molimo, eo e leng Molimo oa 'nete, a bue." Le se ke la tsoha. A ke ke a tela. A ke ke a tloha.

¹⁴⁸ Joale, Morena Jesu, mohla A ne a le lefatšeng mona, mesebetsi eo A e entseng, eo re sa tsoa e qotsa, O ile a tšepisa hore O tla tla hape pele ho bofelo ba nako 'me o ne a tla etsa lintho tse tšoanang. O boletse hore O tla e etsa ka Kereke ea Hae. Joale, O itse, "Ke 'na sefate sa Morara, lona le makala." Joale, Morara ha o behe litholoana. Makala a beha litholoana.

¹⁴⁹ Joale, ha e le sefate sa mokopu, se tla bea maphutshe. Haeba e le semela mahapu, se tla bea mahapu. Haeba e le sefate sa cantaloupe, se tla beha dicantaloupe. Haeba e le grape vine, se tla beha morara.

¹⁵⁰ Haeba e le sefate sa Mokreste, se tla beha Kreste, Bophelo ba Kreste, mesebetsi ea Kreste. Le a bona? Joale, meea ea rona e tlameha ho matlafatsoa ke ho hong.

¹⁵¹ Ke thabile haholo hoba ka ho Eena, bosiung bona. Ha le tsebe, mohlatsoana, hore e nketsa hore ke ikutloe joang, lea tseba mona, ke lilemo tse mashome a mane a metso e robeli, monna oa leqheku. 'Me ke rerile joale ka lilemo tse mashome a mabeli a metso e supileng. Mahetla a ka a kobame. 'Me, oh, ke a elella hore ha ke sa le moshanyana oa mehleng ea neng a bapala limabole mona seterateng. Empa ke tseba ntho e le 'ngoe,

ke mohlanka oa Hae. Nka mpa ka ba le seo ho feta sohle seo ke se tsebang. Ntho e 'ngoe e ne e ka etsa molemo ofe?

¹⁵² Ke lekile ho tšepahala ho lona batho. Ke lekile ho etsa sohle seo nka se khonang ho tšepahala le ho loka le ho ba le 'nete, pontšeng ea lona le pel'a sefahleho sa Molimo, hobane ke tseba A re shebile ka nako tsohle. Joale, ha nka khona . . .

¹⁵³ Ke tla le bolella hona joale. Molaetsanyana ona bosius bona, ke lekile ho khaotsa kapele, empa ke rapela Molimo ho isa karolo e setseng pelong ea hau. Potlaka! Potlaka! Tsoa Babilona, kapele kamoo u ka khonang. U se ke oa lula lefatšeng. Sutha bosaoaneng boo. Tsoa! Tsoa mona, u lokolohile, 'moho le Kreste. Sutha nthong tseo. Hobane ha u tsebe hora ho ka tšoha ho se letho haese phofo e setseng lefatšeng lena, ligase feela, 'me lefatše la khale le phatlotsoe likotoana. E ka etsahala pele tšebeletso ena e koaloa, 'me e tla be e sa thulane le Mangolo ho hang. E ne e tla phethahatsa Mangolo feela. Evangelie reriloe. Molaetsa oa ho qetela ke ona o fihla.

¹⁵⁴ Joale, u se ke ua shebella lintho tse kholo nakong e tlang. Amerika e nyelisitse letsatsi la eona la mohau ka sebe. Ke hantle feela. Le e tšoaye ka Libibeleng tsa lōna 'me le fumane haeba ke nepile kapa ke fositse. E se e le lilemo tse peli joale e nyehletse maemong a tlase.

¹⁵⁵ Billy Graham o boletse, borakefeseng ba hae nakoana e fetileng. A phahamisa Bibele. A re, "Folaga ea tekanyo ke *ena*. Pauluse o kene motseng 'me a fumana mosokolloa, a khutle selemong se latelang le ho fumana mashome a mararo." A re, "Ke kena motseng 'me ke tšoara tsoseletso, ea basokolloa ba likete tse mashome a mabeli, le ho khutla ka mor'a likhoeli tse tšeletseng 'me ha ke fumane mohlomong mashome a mabeli."

¹⁵⁶ Bothata ke bofe? Lihlapi li ngata hakana feela ka letšeng. Molimo o tsebile ba ba kana feela pele ho theoa lefatše, 'me ba reretsoe Bophelo Bosafeleng pele. Mohla oa ho qetela a kenang, ke phetho.

¹⁵⁷ Ho kene linonyana tse baliloeng feela ka arekeng, ho kene liphoofolo tse ngata hakana feela tse fapaneng ka arekeng eo. 'Me monyako oa koaloa, ke Molimo, 'me oa siea tse ling kantle, leha koana li lekile ho kena.

¹⁵⁸ 'Me motsoalle oa ka ea ratehang, haeba u eso kene, kena hona joale, pitso ea Molimo e sa ntse e bitsa, hobane menyako ea mohau e ka koaloa, ho Balichaba, nako efe kapa efe. Joale, 'me joale seo ke se etsang, joale, se tla . . . Seo ke se buang joale . . .

¹⁵⁹ Ke buile, 'me mantsoe a ka, holane ke rerile lihora tse ngata, li ne li ke ke tsa bua halofo ea lentsoe le le leng le tsoang ho Kreste oa rona ea ratehang. Joale, empa seo ke se rerileng, ke boletse 'Nete kapa leshano. Haeba ke buile leshano, Molimo a ke ke a amanang le lona ka letho. Haeba ke boletse 'Nete, Molimo o tla ema ka mor'a Lentsoe la Hae.

U re ba bakae? Na u abile likarete tse mashome a mahlano?

¹⁶⁰ Ke tla le bontša lebaka re lokelang ho aba likarete, ha le tšoere kopano ea temoho ea moea. Ha ke re O tla e etsa. A ka tšoha a sa etse. Empa ke batla hore le be le 'nete ho 'na. Bakae ka mona ba ratang ho kena moleng joale? Phahamisang matsoho a lona, hohle ka mohahong, hohle moo le leng teng. E mong le e mong ka mohahong ea batlang ho kena moleng, phahamisang matsoho a lona. Joale ebe ke joang... Oa pele e ka ba mang? Le a bona? U ne u ke ke oa khona. Re tlameha ho aba likarete, e le ho baballa e—e mola.

¹⁶¹ Joale, o abile likarete tse mashome a mahlano. 'Me ha re bitse hohle, sehlopheng seo sa likarete, 'me hoo ho tla neha bohle monyeta oa ho kena.

¹⁶² Joale, ha se se etsahalang *mona*. Ke se etsahalang *mona*. Le a bona? Ha se eona, ho ama 'na. Ke, ho ama Eena. Bakae ba tsebang Testamente e Ncha, Buka ea Baheberu, e boletse hona joale, ho re, "Kreste ke Moprista ea Phahameng ea ka angoang ke maikutlo a mefokolo ea rōna"? Be, u ka tseba joang hore u Mo amile? Kahoo, O boela a khutla a bua hantle feela joalokaha A entse. Efèla haele Eèna maobane, kajeno, le ka mehla, O lokela ho Iponahatsa kamoo A entseng maobane le kamehla. Ka hona, na le bona molaetsa oa ho qetela ho Bajude le bao, kamoo A e entseng? Hona joale lena ke la-...

¹⁶³ Hola A Iponahatsa ka mokhoa osele, ka phutheho ea bolumeli, O tla be a sa loka. Ha A eso Iponahatse ka har'a mokhatlo oa bolumeli, hoba mokhatlo oa bolumeli o ne o le sieo matsatsing a Hae. O Iponahalitse ka matla a phahametseng tlhaho, joaloka ha re boletse hoseng hona, joaloka mongolo o leboteng, koahollo. E sa le Eena maobane, kajeno, le kamehla. Molimo a be le lona joale.

¹⁶⁴ O itse, "'Ngoe ho isa ho mashome a mahlano." Ho lokile. Ke mang ea tšoereng karete ea thapelo ea nomoro ea pele, na u ka phahamisa letsoho la hau feela. Shebang likarete tsa lona. Motho e mong holim'a libethe, kapa kae, 'me a sa khone ho ema, le shebisane karete. Ke karetenyana feela. Ha ke kholoe tsena li manehiloe setšoantšo sa ka, le hona. Ke karetenyana e paala feela. Nomoro ea pele, hohle moo u leng teng. [Moena e mong o re, "Hantle mona."—Mohl.] Ho lokile. Na u ka ema moo u leng teng, monghali. Palo ea bobeli, na u ka phahamisa letsoho la hau. Mofumahali hantle *mona*. Palo ea boraro, na u ka phahamisa letsoho la hau. [Sekheo lebanteng.]

¹⁶⁵ Re basele. Lena ke lekhetlo la rona la pele ho kopana, bophelong, kea kholoa. Ka hona, Morena Mollimo o re tseba bobeli ba rona. O tseba tsohle ka uena, 'me O tseba tsohle ka 'na. Empa haeba Eena, ka mohau oa Hae, a ka khona...

¹⁶⁶ Haeba nka re ho uena, "Oh, monghali, u a kula. 'Me kea... U tla phekoloa." U ka ba le tokelo ea ho belaela seo. Bamameli bao

ba tla ba le tokelo ea ho holloa, tabeng eo. Ka sebele. U nkile lentsoe la ka feela.

¹⁶⁷ Empa ha Moea o Halalelang o ka tla 'molella seo a se entseng, ntho eo ke sa tsebeng letho ka eona, e etsahetseng, o tla tseba haeba e le 'nete kapa che.

¹⁶⁸ Ka hona haeba A tseba se neng se le teng, ruri, haeba ho le joalo, A ka u bolella se tlang ho tla, 'me se tla be se lokile.

¹⁶⁹ U lokela ho lumela seo, Mof. Cox, na ha ho joalo? Mof. Cox ea lutseng mono, ho etsahetse feela hore ke mo ele hloko, ho tsoa Kentucky, ka mona. Eo ke ea Mof. Wood... mona kae-kae ka kerekeng, 'ma'e. Mofetše o ne o se o mo jele sefahleho, ka *mona*.

¹⁷⁰ Ke ne ke theoha holimo morung o ka leboea. Mohatsa a ntsetsa, a re, "Ha ke eso bone motho ea ferekaneng hakana bophelong ba ka, joalo ka—joalo ka Mof. Wood." 'Me Mongh. le Mof. Wood ke metsoalle ea ka e meholo. 'Me ka ea ho mofumatsana, ka khutla ke tsoa ka HO RIALO MORENA. Mofetše o ile oa shoa.

¹⁷¹ Mono, mosali ea lutseng mono, 'me u batla u sa khone ho bolela eng... Na u ka ema feela, Mof. Cox, batho ba tle ba bone. Lehlakore lohle la nko ea hae le tsohle, le ne le jeloe ke mofetše, ho kena koana mahlong a hae. Retoleha hore bamameli ba tle ba u bone morao mono. Mofetše.

O lula a nepile. Ha ho mohla a leng phoso.

¹⁷² Joale, ha Morena Molimo oa rona a ka senolela moena enoa, e ke e be eena moahloli, ha Morena Molimo oa rona a ka mo senolela seo a leng mona ka sona. Kapa, ntho e kang eo A e entseng ho mosali mane... Kapa, joaloka ha A ka bua se ka A entse ho Filipi, mohla Nathanaele a mo fumaneng... kapa Nathan... Filipi a fumana Nathanaele. Le ho ka e senola; na le ka lumela bohole, lona batho bohole le ka lumela? Haeba—haeba monna eo a tseba ke sa tsebe letho ka eena; 'me ke phahamisitse matsoho a ka, ha ke tsebe letho ka eena. O ile a phahamisa matsoho a hae, hore ke ne ke sa mo tsebe, kapa ha a ntsebe. Joale ha Morena a ka e senola, bohole le tla e amohela, na le tla etsa? Ba ba kae? Phahamisang matsoho a lona, ke tle ke bone. Joale, Morena a u hlohonolofatse.

¹⁷³ Joale, monghali, ke eme mona feela, ke emetse ho bona seo A tlang ho mpolella sona, u tle u be moahloli. 'Me haeba motho ofe a ka sheba, monna o tutubetse, ka hona le a bona e ke ke ea e-ba ho-bala-mohopolo. Lulang le koetse mahlo. Ha Morena oa rona Jesu... Ha A ka e senola, re tla mo leboha.

¹⁷⁴ Empa monna ea emeng pel'a ka, seo a leng mona ka sona, ke taba e amang moea eo a e batlelang thapelo. Seo ke 'nete. Haeba hoo ho nepahetse, phahamisa letsoho la hau hore batho ba bone. Joale na u a lumela? Ha ke eso 'mone bophelong ba ka, empa ke ena. Ntho e teng e tšoenyang kelello ea hae. Joale, ha

nka bua haholo le eena, ho tla boleloa ho hongata. Joale le apare hlompho.

¹⁷⁵ Lengeloi leo le ile la etsa'ng? O ne a furaletse ka mokokotlo oa Hae, 'me A re, "Hobane'ng ha Sara a tšehe?"

A re, "Ha kea ka ka tšeha."

A re, "Oh, e, u entse bo." Hoba, o ne a tšohile.

¹⁷⁶ Joale haeba bamameli ba ntse ba ka utloa lentsoe la ka, holim'a libuela-hole. Monna eo o bonahala a tloha ho 'na. Ke bona ho eme mosali. Ke eona ntho ea mantlha eo monna a leng mona ka eona. Ke bakeng sa mosali oa hae, 'me ha a 'moho le eena mona. 'Me o na le bothata ba bosali, bothata ba maleiti, 'me o na le bothata mokokotlong oa hae. Ke 'nete eo.

¹⁷⁷ Ha u tsoe motseng ona. U tsoa motseng o mong, o bitsoang Marysville. Ho nepahetse. Joale khutlela hae 'me u e fumane kamoo u e lumetseng kateng. Ho tla ba joalo, ka Lebitso la Morena. Molimo a u hlohonolofatse. Sakatuku seo, ha u sa tla se hloka ho behoa holim'a hae; u ne u se noketse pokothong ea hau bakeng sa hae, empa u ke ke ua se hloka.

¹⁷⁸ Kea u tseba. Ha ke tsebe lebitso la hau. Empa u mosali ea neng a eme mono monyako o ka morao, ka tsatsi le leng, 'me Lengeloi la Morena la tla ho 'na, mehleng ea makhetlo a hau a pele mona tabernakeleng, le ho senola ntho e neng e le sephiri se phethahetseng. 'Me u ile oa folisoa, mofetše. Ke hantle. Empa ha ke tsebe bothata ba hau hona joale. Ha ke tsebe. U tseba seo. Ha ke na le mohopolo oa bothata ba hau. Empa, ha Morena a ka e senola, u tla e amohela? [Khaitseli o re, "Ee."—Mohl.] Ke . . .

¹⁷⁹ Ha u a tlela uena mona. U mona bakeng sa ngoana. 'Me ngoana eo o mahlomoleng. 'Me mahlomola a mokokotlong. Joalo, ha a khone ho ema, kapa ntho e kang eo. 'Me ke bona batsoali ba ngoana eo, ka rosari. Ke Makatolike. 'Me banyalani ba holileng, bao, bontatemoholo ba bona ke Makatolike, le bona. 'Me u emetse ngoana. Nka sakatuku ea hau 'me u e behe holim'a hae. Se belaie, u ka fumana seo u se kopang. Joale lumela ka pelo ea hau eohle.

U a lumela na?

¹⁸⁰ Ke nahanaeleiti lena ha ke mo tsebe. Ha re tsebane, empa Morena Jesu o re tseba bobeli ba rona. Joale setšoantšo se phethahetseng ke sena. Mona ke setšoantšo sa Santa Johanne 4. Mosali oa 'mala, monna e mosoeu; tsatsing leo, e ne e le Mosamaria, le Mojuda, merabe e 'meli ea batho. Jesu a mo tsebisa, kapele, ho se phapang ea letho. Bohle re libopua tsa Molimo. Naha eo re phelang ho eona, e fetola 'mala oa rona, ha e amane le eona ka letho. Molimo o ne o batlile batho ba Oona ba le joalo. O entse motho mosoeu, e motšo, e mosootho, e mosehla, e mofubelu. O ba entse joalo. Ke taba ea Hae eo. 'Me O re rata bohle. Empa mona ke setšoantšo se phethahetseng, batho

ba babeli ba e-so kopane pele, le lekhetlo la rona lsa pele, merabe e 'meli e fapaneng.

¹⁸¹ Joale, ke a u bona u molumeli. U Mokreste, hobane moea oa hau u amoheleha. 'Me Lengeloi le leholo leo la Molimo le ne le ke ke la amohele letho le phoso. Ruri lekhale. Le bona setšoantšo seo holimo mono, Lengeloi leo le setšoantšong seo, Leseli leo ka holim'a moo ke emeng teng? Ke sona se etsang hore u ikutloe kamoo u ikutloang hona joale. E theohela eohle holim'a hau feela.

Motsotsoana feela, Khaitseli Gertie.

¹⁸² E bonahala e le ntho e itseng, ha ke khone ho tšoara mofumahali eo hantle feela. Ee. Mosali o tšoeroe ke boemo ba methapo. O a tšoha. O liha lintho. Ke hantle. 'Me hape bothata ba moea boo u lekang ho bo rarolla, hoba esale u bo rapella nako e itseng. Hoo ke 'nete. 'Me u jeoa athritisi. Kea u bona u leka ho tsoa betheng ea hau, butle, haholo-holo hoseng. U na bothata mokokotlong, hape, bothata ba lesapo la mokokotlo. Hoo ke HO RIALO MORENA.

¹⁸³ U lumela hoba ke moporofeta oa Molimo? U lumela oona Molimo o tsebileng Simone o ka u tseba? Ha Molimo o ka senola seo, na ho tla u etsa molumeli ea matla, hore u fumana seo u se fumanang? Ba u bitsa, "Nanny." 'Me lebitso la hau le qetellang ke Johnson. 'Me u lula New Albany. Khutlela hae 'me u fole, ka Lebitso la Morena Jesu. Amen.

Lumela feela.

¹⁸⁴ Na ha re tsebane, mofumahali? Re joalo. Ho re feela—feela hore batho ba bone, na u ka phahamisa letsoho la hau feela, ho re, "Ha re tsebane. Feel a . . ." Joale Morena Molimo o re tseba bobeli ba rona. 'Me haeba A ka aba kopo ena, na u tla e thabela?

Joale ba bang ba lona ba qalile ho lumela.

¹⁸⁵ Joale, monna e mosoeu ha phetse ho hlaha ka pel'a mosali enoa mona.

¹⁸⁶ Ke monna ea lutseng hona mono. U na le . . . Ho itoketse, lula feela moo u leng teng. U jeoa ke liphio. U na le bothata ba mokokotlo. 'Me u na le bothata ba mala. Ke hantle. Joale tsamaea, u ntse u lumela, 'me ha e sa tla hlola u tšoenya.

¹⁸⁷ U mpe u lumele. Ke qholotsa tumelo ea hau ho e lumela. Ba bakae ba e lumelang ka pelo eohle ea lona? Ho lokile, ka hona talimang le phele.

¹⁸⁸ Ha Morena Molimo oa rona a ka senolela mosali enoa, eo ke sa mo tsebeng ka botlalo. 'Me matsoho a rona ke ao a phahamisitsoe, ha re eso kopane pele, ka ho tseba. 'Me ha Morena Molimo oa rona o ka senolela mosali enoa, le ho etsa seo A se entseng, joaloka mosali mane . . . mosali oa Mosamarria. Na le tla lumela bohole ka pelo ea lona eohle, ke hona? Na seo se tla e rarolla kamehla, ho uena?

¹⁸⁹ Le a bona, ke na le kopano e tlang. Ke tlameha ho tsamaea hosane. 'Me ke loketse ho ea Virginia, 'me ho tla latela kopano e kholo. Ha ke batle ho fokola haholo, ke eme mona. Ho lokile, ke tla nka nako, motsotsos feela, le mosali. 'Me u lumele.

¹⁹⁰ Ho sa tsotellehe mosali ke mang, o setsoe morao ke lefifi le nyarosang. Oh, ke—ke masoabi. U sa tsoa kopana le bothata bo itseng. U lahlehetsoe ke ngoana, leseka. Ke hantle. 'Me ntho e 'ngoe, u tšoenngoa ke bothata ba basali, bothata ba maleiti, le bothata ba mokokotlo. 'Me hape u na le ntho ea mofuta e u hlahelang, joaloka ho ilibala. Oh, lefu la sethoathoa. Ke hantle. Le uena ha u tsoe motseng ona. U tšetse noka, ho fihla mona. U tsoa Louisville. U lula nomorong, e bitsoang, 1754 West Oak Street. Lebitso la hau ke Margaret Quinn. Ho lokile.

¹⁹¹ Morena Molimo, Mohloli oa maholimo le lefatše, nea mosali enoa seo a se lakatsang, hobane ke kopa sera sena ho mo tlohela, ka Lebitso la Jesu. Amen.

¹⁹² Molimo a u hlohonolofatse, mofumahali. U se ke ua hlola u belaela. E-ea 'me u amohele seo u se kopileng hona joale.

¹⁹³ U lumela ka pelo ea hau eohle?

¹⁹⁴ U phela joang, monghali? Ke khetlo la rona la pele re kopana, kea kholoa. Na u lumela Morena Molimo oa rona o teng mona ho phethisa le ho u nea lintho tseo u li lakatsang? [Moena o re, "E, ke a etsa. Kea tseba O teng mona. Ke a 'Mona."—Mohl.] Ke tsota sebete sa hau. 'Me u mona bakeng sa ntho e loketseng. U batla ho felisa ho noa le ho tsuba. Be, e tlohile ho uena joale. E-ea, 'me khotso ea Molimo e be le uena 'me u ikemisetse ho lumela. Molimo a be le uena.

"Ha u ka lumela, tsohle li ka etsoa."

¹⁹⁵ U batla ho falatsa bothata boo ba mokokotlo? Theohela tlase mono, o Mo rorise, 'me u tla bo tlosa. E-ea feela, u e lumela, ka pelo ea hau eohle.

¹⁹⁶ "Ha u ka lumela," Bibebe e boletse. Eba le tlhompho. Lumela seo Molimo a se etsang hoba 'Nete.

¹⁹⁷ Ke a u tseba. Ke tlil'o u rapella feela. Ke tseba bothata ba hau.

¹⁹⁸ Morena Molimo, eba le mohau ho mosali le ho abela kopo ena, hoba kee kopa ka Lebitso la Jesu. Amen. Ha ke hopole... Na lebitso la hau ke Baker? [Khaitseli o re, "E, monghali."—Mohl.] Ke hantle. Ke—kea hopola joale. Molimo a u hlohonolofatse. Tsoela pele hantle joale le ho Mo lumela ka pelo ea hau eohle. Ho lokile.

¹⁹⁹ Ha ke u tsebe, mofumahali. Ha re tsebane. Ke hantle. U batla ho ja sophoro ea hau, ho tlosa bothata boo ba mala, seso seo u neng u e-na le sona nako ena eohle? Eya, u je, joale, 'me Jesu Kreste a u folise.

²⁰⁰ Kea u tseba. 'Me ke a tseba hore bothata ba hau ke bofe. Ha u tsebe—ha u tsebe hore ke a e tseba, empa, ke—kea e tseba. Ka hona ere ka ha u kena mona tabernakeleng, nke ke ka e bua. Empa athritisi e tla u tlohela ha feela u ka e lumela. U tsöele pele. Molimo a u hlohonolofatse.

²⁰¹ Ha re reng, "Ho bokoe Molimo." [Phutheho e re, "Ho bokoe Molimo."—Mohl.]

²⁰² U tšohile, le uena. U na le bothata ba mala. U lumela hore Morena Jesu o tla u folisa? [Khaitseli o re, "Ke etsa joalo."—Mohl.] Joale tsamaea, 'me khotso ea Molimo e be holim'a hau. Ke batla feela ho u bea matsoho, le ho lumela ka lipelo tsa rona tsohle, hore Molimo o tla e etsa.

²⁰³ Ha ke u tsebe, kea kholoa, mofumahali. A na u a ntseba? U kena mona kerekeng? U etsa joalo. Ha ke eso u bone. Ehlide, batho ba bangata ba kena kahare. Ho lokile. E-ea, u lumela, 'me bothata boo ba bosali bo tla u tlohela, bothata ba maleiti boo u neng u e-na le bona. U a lumela? [Khaitseli o re, "Ee."—Mohl.] Ho lokile, joale tsamaea, 'me Molimo o tla ba le uena le ho u thusa, ke tiile.

²⁰⁴ Na u a lumela, monghali? U lumela hore Morena o tla tlosa bothata boo ho uena, le ho u folisa, athritisi eo? Khutlela morao mono, ho Mo leboha le ho Mo rorisa ka hona, ke moo u tlang ho itokela.

²⁰⁵ U khathatsoa ke bothata ba linerefe, na ha ho joalo, mofumahali? Leo ke letšoho la kelello. U fokola haholo, u hlokokatsoa ke litlharello, haholo-holo thapama. Esita le Satane o u boleletse hore u tla lahleheloa ke kelello. Ke hantle. Empa ke leshano. U tla hlaphoheloa. Ha se letho haese nako ea bophelo eo u kenang ho eona. Ke menopause. Mosali e mong le e mong o lokela ho fihla ho seo. Empa u tla phela hantle joale. Na u lumela lentsoe la ka? Joale e-ea, u leboha Molimo, 'me u bine lifela 'me u thabe, 'me u fole.

²⁰⁶ Ho lokile, mofumahali. Ha ke u tsebe, le 'na. Ntho e makatsang, ha ke rialo ho eena, e u tlohetse ka nako eona eo, hoba ke hantle seo bothata ba hau e neng e le sona, linerefe. Joale u kene tseleng ea hau, 'me u lumele ka pelo ea hau eohle, 'me u tla fola. Amen. E-ea u lumele ka pelo ea hau eohle.

²⁰⁷ Kea u tseba, mofumahali. Ke tseba sefahleho sa hau, empa ha ke... U a lumela Molimo o tla u folisa? Kea tseba hore u mang joale. U mofumahali ea kenang mona tabernakeleng. U a lumela Molimo o tla u folisa? Ere ke u rapelle feela.

²⁰⁸ Morena Molimo, 'Mopi oa maholimo le lefatše, folisa mosali, ke a rapela, ka Lebitso la Jesu. Amen.

²⁰⁹ Se belaele. Ha ke hopole lebitso la mosali eo, empa kea tseba hore na ke mang...

²¹⁰ Ho ka thoe'ng ka lōna batho ka ntle mona har'a bamameli? Na le a lumela? Joale lulang ka khutso ruri. E-bang le tlhompho ea sebele. Ka ntlheng ena ka *mona*, motho e mong. Ke qholotsa tumelo ea hau, ka Lebitso la Jesu Kreste, ho lumela sena.

²¹¹ Mofumahali oa mammala o phahamisitse matsoho a hae, mono. U a lumela, mofumahali, hore ke mohlanka oa Molimo? [Khaitseli o re, "E, monghali."—Mohl.] Ha Molimo a ka ntšenolela bothata ba hau, na u tla e amohela? ["E, monghali."] U ipatlela thapelo 'moho le ngoananyana eo. Bakeng sa mahlo a hau, u lutse mono. Ke hantle. Beha letsoho la hau holim'a ngoana, le ho lumela ka pelo ea hau eohle.

²¹² Morena Molimo, ke rapela hore ba e amohele, ka Lebitso la Jesu. Amen.

U a lumela na?

²¹³ Ke leo Lengeloi la Morena le emeng pel'a thaka lena le hlooho e ntšo. Ke—ke lumela hore o kena kerekeng mona, leha ho le joalo. Ha ke na bonneta. Mohlomphehi, haeba ke u tseba, ha ke tsebe bothata ba hau, haese ha Molimo o ka e senola. Empa mohau o mong oa Hae oeme mona. 'Me u na le e—e alsal e leotong, leoto le letšehali. Ke hantle. Tumelo ea hau—ea hau e amme ntho e 'ngoe.

²¹⁴ Ho ka thoeng ka lona, ka mane maphakong ana, le a lumela na? E-bang le tumelo ke hona. Se belaeleng.

²¹⁵ Mona, mofumahali ea lutseng mona a roetse katiba e ntšo, a roetse ligalase. Na u na le karete ea thapelo, mofumahali? Hantle ka mor'a moshanyana eo mono, ntlheng ea mola, uena! U na le karete ea thapelo? Ha u na karete ea thapelo. U a lumela hore ke moporofeta oa Molimo? Ha Molimo o ka ntšenolela bothata ba hau, na u tla e amohela? U na le bothata ba pelo. Monna oa hau ke eo ea lutseng pel'a hau, 'me o na le bothata ba tšoelesa. Joale tsamaea u lumele.

Ke mang ea Mo lumelang?

²¹⁶ Ho ka thoeng ka monna enoa oa mammala ea lutseng mona? U a lumela, monghali? [Moena o re, "E, monghali."—Mohl.] U a lumela hore ke mohlanka oa Hae? ["Ee."] U batla thapelo, na ha ho joalo? ["Ee."] Haeba Molimo a ka ntšenolela, ho tlaha ho 'na ho ea ho uena, u a lumela hore O... hore u ka e amohela? ["Ee."] U na le bothata ba sinus. 'Me u na le ntho e phatlohileng. Ke hantle.

²¹⁷ Ho ka ba joang ka e mong oa lona ka mono, na le a lumela?

²¹⁸ Ho na le mosali e mong oa mammala hantle ka mor'a mofumahali enoa morao mona. U phahamisitse letsoho la hau, khaitseli. U batla ho hong ho tsoa ho Morena? U a lumela hore ke mohlanka oa Hae? Ke bothata ba lentsoe, le u hlrophang. Ke hantle. U lumela hore O u folisitse?

²¹⁹ Hantle kantle ho tloha ho uena mono, ho qamaka, hantle ho tsoa ho uena mono ntlheng ea mola; e ka ba motho a le mong, ba babeli, bararo, bane, batho ba bahlano, morao mono. U na le bothata ba qoqotho. U lumela hore Molimo o tla u folisa?

²²⁰ Ho ka thoe'ng ka morao mona? Monna ntlheng ea setulo, hantle morao moleng mona. U jeoa ke alsu e ruruhang. Ke hantle, monghali. U a lumela Molimo o a u folisa? Ema 'me u e amohele, ka Lebitso la Morena Jesu.

²²¹ Molimo a u hlohonolofatse. Ha ke eso u bone. U motho osele ho 'na. Empa Molimo o a u tseba.

²²² Le a e lumela, e mong le e mong oa lona? Na lea lumela lona Lengeloi la Molimo le ttileng ho Abrahama, ka mohau, Le tsebileng liphiri tsa mehopolo ea Sara, eena Ea kileng a ema lefatšeng le ho tseba liphiri tsa mehopolo ea kelello, na ha le lumele hore O teng mona joale? Oona Molimo oo, pejana lefatše le cha hape tšenyehong, ha le lumele hore O teng mona? Joale ha re Mo amoheleng. Ha re Mo lumeleng. Ha re Mo nkeng joaloka mofolisi oa rona, hona joale. Ke ba bakae ba lona ba tla lumela seo?

²²³ Ke ba bakae ba lona ba hlileng ba lumelang? Phahamisetsang matsoho holimo. Joale, behang, theolang matsoho a lona.

²²⁴ Bibele e boletse sena, "Mehlolo e tla tsamaea le ba lumelang ke eona ena."

²²⁵ Behanang matsoho holimo, ke hona, haeba le le balumeli. U rapelle motho ea haufi le uena. 'Me ea haufi le uena, a rapelle uena ea rapelloang. E mong le e mong oa lona, le rapellane joale, kae kapa kae ka mohahong. Ke qholotsa tumelo ena.

Mofumahali ea mono ea jeoang ke TB, lebala ka eona. U folile.

²²⁶ Uena ea nang le bothata ba tšoelesa ea senya, ea lutseng mono, monghali, ea tsohang masiu. E lebale. Ha u sa tla tlameha ho e etsa hape. Molimo a u hlohonolofatse.

²²⁷ Ke u qholotsa ho nka khato ea ho lumela. Na u etsa joalo? Rapelang ke hona, e mong le e mong oa lona, ka tsela ea hae. Beha motho e mong matsoho 'me u rapelle e mong pel'a hau, ha ke ntse ke le rapella bohole.

²²⁸ Morena Molimo, 'Mopi oa maholimo le lefatše, mothei oa Bophelo bo sa feleng, moabi oa neo tsohle tse molemo, romela Moea oa Hau hona joale holim'a batho bana.

²²⁹ Ke khalema mesebetsi ea liabolosi, hobane liabolosi o pepesitsoe. Satane, u ke ke oa hlola u ba tšoara. Tumelo ea bona e ntse e phahama, 'me ba beane matsoho. 'Me kea u phephetsa, hore u hlotsoe ntoeng, 'me kahlolo e atametse. Tsoa ho bona, ka Lebitso la Jesu Kreste. Tloha ho bona, ka Lebitso la Jesu.

²³⁰ Na le a Mo lumela? Phahamisang matsoho a lona 'me le Mo fe thoriso ka pholiso ea lona. Haeba u holofetse, ema ka maoto a hau; Kreste o a u folisa. Haeba u shoele litho, matsoho a hau a holofetse, a phahamise; ke phetho.

Ho na le mosali ea holofetseng mona, ea emeng.

²³¹ Rorisang Morena! Ha re reng, “Ho rorisoe Morena,” bohle. [Phutheho e re, “Ho rorisoe Morena!”—Mohl.] Amen.

Moena Neville. 

**58-0309E Na Kereke e tla Falla Pele Ho Matšoenyeho?
Branham Tabernacle
Jeffersonville, Indiana U.S.A.**

SOUTH SOTHO

©2024 VGR, ALL RIGHTS RESERVED

**VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org**

Temoso Ea Tokelo Ea Qopitso

Litokelo tsohle li babaletsoe. Buka ena e ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangelia ea Jesu Kreste. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org